



TAJUK KHUTBAH JUMAAT

Siri: 50 /2021

## JANGAN HAMPIRI ZINA

24 Disember 2021

*Bersamaan*

19 Jamadil Awal 1443

DIKELUARKAN OLEH:

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang **penambahan** dan **pemindaan** terhadap isi kandungan teks khutbah yang telah disediakan oleh Jabatan Hal Ehwat Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## **KHUTBAH PERTAMA**

الْحَمْدُ لِلَّهِ الَّذِي جَعَلَ النِّكَاحَ حَلَالًا وَنِعْمَةً، وَجَعَلَ الزِّنَا حَرَامًا وَفَاحِشَةً. وَأَشْهَدُ أَنْ  
لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ الْمَبْعُوثُ رَحْمَةً لِّلْعَالَمِينَ.  
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَشْرَفِ الْأَنْبِيَاءِ وَالْمُرْسَلِينَ،  
وَعَلَى آلِهِ وَصَحْبِهِ أَجْمَعِينَ.  
أَمَّا بَعْدُ، فَإِنِّي أَوْصِيكُمْ وَنَفْسِي بِتَقْوَى اللَّهِ وَأَطِيعُوهُ لَعَلَّكُمْ تُرْحَمُونَ.

Wahai hamba-hamba Allah ! Saya berpesan kepada tuan-tuan dan juga diri sendiri supaya bertaqwa kepada Allah dengan melaksanakan segala perintahNya dan meninggalkan segala laranganNya mudah-mudahan kita akan mendapat rahmat Allah s.w.t. di dunia dan di akhirat.

Dari mimbar jumaat yang mulia ini dan bersempena berada di penghujung tahun 2021 masihi, marilah sama-sama kita mengambil renungan dari khutbah bertajuk :

### **“Jangan Hampiri Zina”**

**Sidang Jumaat yang dikasihi Allah.**

Zina adalah satu perbuatan yang sangat dilarang dalam Islam dan ia termasuk antara dosa-dosa besar yang mesti dijauhi.

Firman Allah SWT dalam surah Al-Isra' ayat 32:

وَلَا تَقْرَبُوا الزَّيْنَةَ إِنَّهُ كَانَ فَحِشَةً وَسَاءَ سَبِيلًا ﴿٣٢﴾

**Maksudnya:** Dan janganlah kamu menghampiri zina, sesungguhnya zina itu adalah satu perbuatan yang keji dan satu jalan yang jahat (yang membawa kerosakan).

Ibn Kathir berkata: Allah SWT melarang para hamba Nya daripada perbuatan zina dan mencegah daripada mendekatinya. Begitu juga setiap yang membawa kepada zina seperti faktor-faktor dan aspek-aspek yang membawa kepadanya. Contohnya lelaki yang berdua-duaan dengan wanita yang bukan mahram, bersentuhan, bergurau senda dengan bebas, memandang dengan nafsu syahwat, memonton video lucu, berkhayal membayangkan perbuatan seksual dan lain-lain lagi.

Oleh kerana perbuatan zina adalah suatu dosa besar di sisi Allah SWT, maka Nabi SAW memberi amaran bahawa perzinaan yang sebenar akan dimulai dengan percakapan, penglihatan dan khayalan serta keinginan nafsu untuk melakukan perbuatan keji tersebut. Sabda Nabi SAW :

إِنَّ اللَّهَ كَتَبَ عَلَى ابْنِ آدَمَ حَظَّهُ مِنَ الزَّيْنِ أَدْرَكَ ذَلِكَ لَا مَحَالَةَ فَرَنِ الْعَيْنَيْنِ  
النَّظْرُ وَزَيْنِ اللِّسَانِ النُّطْقُ وَالنَّفْسُ تَمَى وَتَشْتَهِي وَالْفَرْجُ يُصَدِّقُ ذَلِكَ أَوْ  
يُكَذِّبُهُ

**Yang bermaksud** : "Sesungguhnya Allah menetapkan bahagian zina untuk setiap anak Adam, dia akan mendapatkannya dan tidak boleh dihindari, maka zina mata dengan melihat, zina lidah dengan ucapan, zina hati dengan membayangkan dan merasakan syahwat, sedangkan kemaluan membenarkan semua itu atau mendustakannya."

***(Hadis Riwayat Muslim)***

### **Sidang Jumaat yang dikasihi Allah.**

Allah SWT sangat benci dan melaknat para penzina. Ini kerana perbuatan zina bukan sahaja memberi kesan yang buruk kepada diri si penzina bahkan kepada masyarakat baik di dunia mahupun di hari akhirat.

Syeikh Dr Yusuf al-Qaradhawi dalam kitabnya al-Halal wa al-Haram fi al-Islam berkata:

Jika kita lihat semua agama Samawi bersepakat atas pengharaman zina dan menentanginya dengan keras. Dan agama yang terakhir ialah Islam, yang melarang keras perzinaan kerana perbuatan itu akan merosakkan keturunan keluarga, berlakunya kes pembuangan janin dan anak, menjatuhkan nama baik kaum kerabat, memecah-belahkan hubungan silaturrahim, tersebarnya penyakit yang kronik, nafsu bermaharajalela dan merendahkan moral seseorang insan.

Imam Az-Zahabi dalam kitabnya Al-Kabair menyebut sebahagian daripada maksud beberapa hadis Nabi SAW bahawa pada hari kiamat nanti para penzina akan digantung pada kemaluan mereka di neraka dan akan disiksa dengan cambuk besi sambil dicemuh oleh malaikat Zabaniyah.

Di neraka, kemaluan para penzina akan berbau sangat busuk sehingga menyiksa penghuni neraka yang lain.

## **Sidang Jumaat yang dikasihi Allah.**

Jabatan Pendaftaran Negara pada tahun 2020 melaporkan bahawa terdapat lebih 50,000 anak luar nikah telah dilahirkan di seluruh Malaysia dan kira-kira 96,000 wanita yang menjalani proses pengguguran janin di klinik-klinik yang menawarkan perkhidmatan tersebut. Secara purata, terdapat lebih 100 kes pembuangan bayi yang dilaporkan setiap tahun. Faktor utama berlakunya semua ini adalah kerana berluasnya pezinaan. Lebih membimbangkan lagi zina kini tidak lagi dilakukan secara sembunyi.

Justeru bagi mengakhiri Khutbah pada hari ini marilah kita renung dan ambil pengajaran terhadap perkara-perkara berikut:

1. Kita mestilah yakin bahawa larangan mendekati perbuatan zina merupakan perintah Allah SWT yang wajib dipatuhi.
2. Kita hendaklah menjauhi aktiviti-aktiviti yang boleh menjerumuskan ke lembah perzinaan seperti menyambut Hari Kekasih, pergaulan bebas, berdua-duaan, melayari laman-laman web lucah dan sebagainya.
3. Kita hendaklah menjaga kesucian keturunan melalui perkahwinan yang sah dan mengelak daripada mempunyai zuriat tidak sah taraf.
4. Ibu bapa hendaklah memantau dan mengawal kegiatan anak-anak yang menjurus kepada berlakunya perzinaan.

**Kaum muslimin yang dirahmati Allah.**

Marilah sama-sama kita berdoa kepada Allah supaya dijauhkan kita dan ahli kerluarga kita daripada kancah perzinaan seterusnya menjadikan kita begitu hampir dan dekat dengan-Nya. Semoga kedatangan tahun baru ini bakal menjadi tahun yang lebih baik daripada tahun ini dan sebelumnya.

Amin Ya Robba Alamin.

أَعُوذُ بِاللَّهِ مِنَ الشَّيْطَانِ الرَّجِيمِ

قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ إِنَّ اللَّهَ خَبِيرٌ

بِمَا يَصْنَعُونَ ﴿٣٠﴾

**Maksudnya :** Katakanlah kepada orang laki-laki yang beriman: "Hendaklah mereka menahan pandangannya, dan memelihara kemaluannya; yang demikian itu adalah lebih suci bagi mereka, sesungguhnya Allah Maha Mengetahui apa yang mereka perbuat".

(Surah An-Nur : Ayat 30)

بَارِكْ اللَّهُ لِي وَلَكُمْ فِي الْقُرْآنِ الْعَظِيمِ.

وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.

وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُوا اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ

وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ

## **KHUTBAH KEDUA**

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ  
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ  
وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

مَعَاشِرَ الْمُسْلِمِينَ رَحِمَكُمُ اللَّهُ،

Sempena kita berada di penghujung tahun 2021 khatib ingin mengingatkan sidang jumaat semua supaya tidak lupa kepada satu rukun Islam yang penting iaitu kewajipan mengeluarkan zakat harta setelah cukup nisab dan syaratnya. Bersegeralah menunaikannya melalui pusat-pusat zakat yang diluluskan oleh MAIDAM ataupun kepada amil-amil bertauliah yang dilantik.

### **Sidang Jumaat yang dirahmati Allah,**

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا

مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،  
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ  
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.  
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ سَيِّئِ الْأَسْقَامِ. اللَّهُمَّ اشْفِ  
مَرْضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ،  
ابْنَ الْمَرْحُومِ السُّلْطَانَ مُحَمَّدِ الْمُكْتَفِيِّ بِاللَّهِ شَاهٍ،  
وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ زَاهِرَةِ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ، بِرَحْمَتِكَ  
يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ زَيْنِ  
الْعَابِدِينَ.



Ya Allah selamatkan kami dan seluruh ummah Islam di mana jua mereka berada. Satukanlah persaudaraan dan perpaduan ummat Islam dengan ikatan yang erat dan kukuh. Mantapkanlah iman kami dan teguhkanlah pegangan kami menurut ahli sunnah wal jamaah, peliharakanlah kami dari amalan dan pegangan aqidah yang menyeleweng.

Ya Allah! Kurniakanlah kepada kami rezeki yang halal lagi diberkati, jauhilah kami daripada perbuatan rasuah dan salah guna kuasa kerana ini adalah suatu perbuatan khianat kepada amanah yang diberikan.

Ya Allah, bantu dan kasihilah kami dan seluruh ummat Islam dari kesusahan, wabak dan bala bencana. Lenyapkanlah wabak covid 19 dari bumiMu ini Ya Allah.. Ya Rahman.. Ya Rahim..

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.  
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَالْحَمْدُ لِلَّهِ رَبِّ الْعَالَمِينَ.

عِبَادَ اللَّهِ!

أَذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،  
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ  
قُومُوا إِلَى صَلَاتِكُمْ، يَرْحَمْكُمْ اللَّهُ.

